

華威頓泰西史略

一函
四冊

華盛頓泰西史略卷五

敵由加拿他來侵

失其利牙報進攻拔根打碌架之軍非但偏師實乃大隊其議發於英國廷臣侯爵
左治檀面及卜該吾利將軍卜該吾利去歲返倫敦商畧軍事以謂加拿他與敵威
紐約軍合戰則亞洲斷可遠平以故英廷命沙維加列頓鎮撫加拿他留三千人自
衛餘軍分兩隊一由卜該吾利統領赴亞兒班利一由遊擊失溺架統領赴摩曲河
共有英兵三千七百二十四名日耳曼兵三千六百名多步倫加拿他人二百五十
名印度人四百名大砲手四百七十三名共八千人軍容甚盛其銅砲一隊果堅
緻為軍中罕有之物非獵示將軍前統此隊轉戰日耳曼曾著殊勳總參將威維
飽維兒及堪美兒頓都統男爵兒列參示均以武功起家為當時名將卜該吾利
中軍由失專起行參將失溺架率正兵一旗及加拿他人七百自柯示城高上陸沙
專專臣率王黨民兵與印度人進摩曲府擾西那之軍攻示丹域示砲臺掠摩曲山
谷至亞兒班利與卜該吾利合進離沙威林敵威之軍時西那未知敵情十六日由
西活砲臺馳報華盛頓卜該吾利亦於是日由失專下船越二日西那至拔根打碌
架巡視守禦見各砲臺兵尚未齊將弁寡弱殊失所料烟地偏頓砲臺在湖東團山

上與舊砲臺對峙。圖以木椿最宜防守。山半有護砲臺一所。其下濠壘深固。臺中大砲林立。以法人參化吾妹示駐守。是處湖口窄狹。以大木箱載石沈下為礎。上搭浮橋。共計有二礎。上橫鋪大木。長五丈。寬二丈。兩端貫以鐵練。橋北再建水閘一道。橫鐵練二道。兩端束以鐵環。環方長寸半。計橋與水閘鐵練長共四百碼。為費甚巨。數月乃成。夾岸以大砲守護。於是兩砲臺聲氣一貫。而敵舟難越矣。西那布署妥協。疾往左治砲臺。備六十日糧。由乞臣增僱工役牛馬。前來接濟。卜該吾利率水陸兵及蠻軍上駛。二十四日。偵騎紛報有木皮艇無數及帆船三艘。載白人印度人。乘風駛入。示皮列兒絡。旋又報已結營於幾利蘭河兩岸。以長龍艇梭巡河下。並有印度勇士出沒於木槎上。失其利牙聞警。馳報西那請援。云後隊尚陸續未止。西那疾請華威頓益兵。身赴亞兒班利催督鄉勇。旋又接失其利牙報。謂敵舟已抵求婁吾。潘一上海狗涌。斷示堅利示波路父之道。一入湖西。斷左治砲臺之道。他處亦紛紛請援。稱失溺架大軍已抵柯示域高。沙專專臣之蠻軍亦取道趨西那砲臺。臺中守兵單薄。鎗砲脆劣。恐不足當大敵。西那當此驚惶之頃。神氣如常。馳書紐約保安會董理碧示幾兒守將。足林干捏底吉巡撫。麻沙朱舌士議長。卜賒及華威頓諸人告急。又勸吃兼麻招集鄉勇。屯歸禮仁府。固西路沙專專臣來道。一面屬失其利牙固守數

日卽親帶紐約鄉勇來援二十八日失其利牙又報拭根打碌架危急已有敵船七艘至求襲吾潘大隊均聚下流河曲鎗砲之聲相聞營雖簽眉潘聲勢浩大若無鄉勇應援斷難抵禦然遠者已不濟急惟有就近調卜賒鄉軍尚可及事不然敵人圍合必全軍盡歿矣三十日英軍入湖卜該吾利自湖西伯爵兒列爹示率日耳曼兵自湖東兵船中流而進左右策應七月一日卜該吾利至拭根打碌架北四里而營建水閘橫塞湖心吹禮沙統前鋒營三里嘴兵船泊於砲彈不及之所失其利牙本蘇葛蘭人驍勇善戰曾隸法國軍籍雖英兵聲勢浩大畧無懼色時部下僅三千五百人中有鄉勇九百軍器粗劣鎗上短刀甚少賴失其利牙沈靜不驚士卒得以安定西那時自亞兒班利督鄉勇往援又發小舟至碧示幾兒催候援兵策應他處而印度人游叔已至西那砲臺左右其背教匪黨復騷擾濕示規慳拿埠其著名印度大頭目罷蘭又乘機煽言英兵已從柯示域高來伐蹄禮仁府人民驚怖咸求西那保護警報皆至華盛頓私計拭根打碌架守將得人士卒勇銳或尚可支初聞不守之信尚疑不確七月七日忽接西那自咽活砲臺所發警報稱彼引兵往援拭根打碌架各小砲臺甫至乞臣之示地兒華打途中聞拭根打碌架已不守是處守兵半已敗至恩厘砲臺附近失其利牙大軍奔入山林不知所在現部下僅得一千五百

人每人藥彈不足五輪。四處驚忙欲運輜重出左治砲臺。又急無車馬。英兵旦夕至。萬無全理矣。更有異者。道路紛傳。拭根打碌架不守。係由我指揮拔出。殊堪駭詫。云華盛頓聞警。極力設法供給。西那軍需。派員赴示。並鈴非兒督解鎗砲藥彈。紙張藥料等物。大砲十尊。及鋤耨繫營器具。並調麻沙朱色士新兵六百名。自碧示幾兒往援。惟營帳及高山防邊重砲。不能分往。經營輓輸。不遺餘力。逆料失其利牙敗兵。必與西那會合。各處鄉勇。亦必陸續赴援。縱不能大振軍勢。決可與卜該吾利對壘。又料卜該吾利必待與敵威軍合。然後進攻。目下必且按兵不動。相機進擊。高山乃令蘇利分率碧示幾兒兵往援。足林自以大軍由波吾頓入高山隘口。營於乞臣西之稿撈父。拒敵水陸之衆。卜該吾利既抵。拭根打碌架營於砲臺之北四里。日。繕濠壘。七月二日。印度邏卒游弋至左河兩岸。子砲臺失其利牙。以子砲臺守兵單弱。恐難守禦。令各焚毀砲臺木廠而退。拭根打碌架之左。年前亦建有營汛。約在法國舊堡障前半里之北高原。失其利牙。因一時遺忘。未加意防守。卜該吾利偵知。立派非微示及吠禮沙將軍率步軍砲隊襲據之。令吠禮沙以全軍扼守。斷左治湖水陸接濟。敵人奪得要隘。自謂必克。因改名為茂吾恰。即進攻。拭根打碌架吠禮沙引前軍由茂吾恰西進屯三里嘴兒。列參示率日耳曼兵紮侵皮連湖隔岸之烟地。偏頓及

山下為犄角。連日紮營。我軍終日砲擊之。屹然不動。先是亞美利加修繕拭根打碌架各營。糜費甚巨。務為堅固不拔之基。不意竟爾疎忽。失其鎖鑰。有蘇架山者。巖巉峭壁。當拭根打碌架之南。突起於侵皮連與左治兩湖水口之間。壁立六百尺。地極扼要。為全湖形勝。亞人以為險遠。不措意。上年華盛頓傳令官參將墮能保兒以六磅彈砲自砲臺演試。將達山頂。謂敵人必不能上。已而晏魯兒與威吾利履登山頂。見大砲可上。乃謂宜亟建砲臺。以管領四山及兩湖水口。為各砲臺樞樞。諸將皆漠不介意。今非獵示瞭望形勝。果以其地為必爭之地。令熟手機匠登山查視。云距拭根打碌架一千四百碼。距烟地偏頓砲臺一千五百碼。正扼兩砲臺咽喉。畧除治其道。大炮即可運行。非獵示大喜。即督工築臺其上。當時我軍尚茫然未察。日攻茂吾恰英營。英兵寂闐不動。日夜伐木開道。運輜重大砲上山。盡力奮第一夕而成。名曰地輝仁治砲臺。次日為七月五日。我軍見紅衣兵環列山頂。我砲臺已入掌中。乃大驚。失其利牙。召諸將會議。謂今敵壘初成。尚不及擊我。若明日大砲齊集。則拭根打碌架如在垓心。四無蔽護。無一得脫者矣。我軍既眾寡懸殊。西那在亞兒利班亦自固不暇。不能赴援。吾輩性命危在呼吸。勢不可延。乃決計即夕棄拭根打碌架及茂吾烟地。偏頓兩砲臺。退入湖上三十里之示堅利示波路父木砲台。即令威失其利

牙引正隊自茂吾烟地偏頓穿湖東密林由加示道兒陸路而退大砲輜重婦孺病卒以長龍船二百艘令參將朗率兵六百護衛上駛留戰船五艘載二百人殿後是日午後三點鐘始定計是晚下船又恐為地輝仁示英兵驟見軍中皆人馬無聲潛相戒備時發砲轟敵人新砲臺陽擾之日暮急驅輜重婦孺上船大砲不及遷移者悉釘塞其孔月色朦朧人馬闐寂移棹渡入林蔭即飛檣而去失其利牙早三點鐘過橋從威捫湖邊引前鋒入叢林直向哈拔頓參將佛蘭思率隊殿後未能秘密不遵將令妄焚烟地偏頓砲臺法人爹花吾妹示居室茂吾哈邏卒遠見火光知亞軍從林內遁走即發警砲鳴鼓列隊而出吠禮沙先率兵入拔根打碌架暨英國旗大隊隨至黎明紛紛過橋追擊卜該吾利又令兒列爹示將軍率日耳曼兵助吠禮沙分兵據拔根打碌架茂吾烟地偏頓兩砲臺以大隊乘戰船駛浮橋水間鐵鍊至九點鐘時悉盡乘勢追我輜重船拔根打碌架湖口舊名南河水甚窄狹我軍恃有浮橋水閘之阻長龍艇載重行遲不防英兵之追及次日午後三點鐘抵示堅利示波路父甫登岸後面砲聲已作兵船發砲逆戰相持未久我艦為敵擊破二艘擊沈三艘逃卒回言敵船正兵與印度人將由山後斷我去路人人惶懼失色遂將火自焚長龍船船廠砲臺磨房奔入二十里外之烟利砲臺或奪小舟遁活忌溺小河參將

朗之軍從林間小徑終夜疾走。天明抵烟利砲臺。此台乃木樁所建。當木浦與東浦之間。去咽活砲台十六里。次日西那率兵至。聞朗敗。即發援兵及糧械往援。令朗堅守。是日朗聞偵卒報紅衣兵列陣而至。人心大恐。旋知乃卜該。吾利所遣遊擊希兒之兵一旗。自示堅利示波路父來。逐我敗軍者。朗即伏兵山石間。伺英軍過時。然鎗環擊。英兵不支。馳上右山。進退失所。相持二點鐘。適印度人來援。我軍藥彈亦盡。不能鏖戰。乃驅所獲敵俘回烟利砲台。又疑希兒之軍。或有大隊在後。乃焚砲台再退。至烟活砲台。失其利牙。自出茂吾烟地。偏頓由林麓中行。一日夜。至晚。乃至加示道。兒頓離拭根打碌架三十里。去恰拔頓六里。暫憩收兵。約得一千三百人。分為三旗。令參將些文溫拿佛蘭思示希兒三人統領。時方七月。天時炎熱。次日黎明。軍中方早餐。忽聞鎗聲。偵卒飛報。英兵又到。吠禮沙率前鋒八百五十人。連夜追逐。銳氣方新。雖士卒少減於我。然恃有兒列爹示日耳曼兵後繼。奮勇直前。我軍方逆戰。參將示希兒後陣忽退。獨溫拿佛蘭思示之七百之伏林中。然鎗拒擊。戰方合。兒列爹示後隊突至。揚旗鳴鼓。馳入陣中。短刀格鬥。參將佛蘭思示戰沒。亞軍見日耳曼兵大至。遂奔。傷亡枕籍。伏尸林內。皆不顧而走。是日亞軍死喪三百餘人。英兵死傷一百八十三人。失其利牙在加示道。兒頓聞砲聲。知已合戰。急派鄉勇兩旗自後來援。距

交戰處約二里鄉勇不敢進而回失其利牙旋接探報言卜該吾利已燬示堅利示波路父砲臺將趨烟利砲台斷我之後失其利牙急引兵從左路趨兒黠蘭留語溫拿令隨大軍而退越二日溫拿至惟餘殘兵九十人矣參將示希兒於接戰時奔加示道兒頗其部下半羸弱老卒全軍不戰而降示希兒在英軍未幾遂卒其奔敗情事竟無從得詳也十二日失其利牙至烟活砲台連日跋涉崎嶇士卒憊不能起華盛頗得拭根打碌架敗報七日尚不知失其利牙存亡寢食不安北方連年經營大砲輜重一旦委棄淨盡遠近震動亞兒班利居人紛紛逃徙咸以北方鎖鑰已失不能保禦矣

調度功成敵威在車示碧

當北軍潰時東方幸立奇績先是英將皮利示葛統兵駐兒律島驕恣不法遇亞軍俘將衣電亞連苛虐無狀亞人甚惡之時遊擊畢頓領兒律島鄉勇在陸路聞皮利示葛屯於島西離紐砵四里鄉中防禦疎略欲襲擒之因選壯士四十人黑夜自窩域溺乘小舟潛入海灣偷過英軍巡艇馳至皮利示葛所縛其哨卒排闥直入皮利示葛尚酣卧未起遂被執其傳令官踰窗不及亦就擒畢頓談俘即夕馳回窩域溺議會嘉其功賜以名劍擢為洲兵參將華盛頗以皮利示葛之擒與厘將軍同轍喜

甚卽致書沙威林。威議互換俘虜。時威已出海。未卽覆答。皮利示葛暫囚獄內。華威頓近已供給西那軍。不遺餘力。至省戒本部。碧示幾兒大營糧仗。大砲以助之。惟兵士無多。僅能抽撥乞臣之卒。西那又請揀選熟悉地勢之員襄助。華威頓派晏魯兒往。時晏魯兒品秩之辨已升正班。獨階次猶未論定。然已出失其利牙之上。己副所願。自言於華威頓。不欲爭執矣。西那麾下機匠。極斯崎斯古者。普魯士國人也。在咽活砲台下。四里摩射斯溪口。相度營址二所。修築砲臺。屯拔根打碌架敵軍。又伐木溪兩岸材木。斷溪流。遏敵舟上駛。毀烟活砲台。至烟利砲臺之路。焚搜四境糧食牛馬。堅壁清野。自燬左治砲台而退。華威頓抵書激勵西那云。吾輩雖迭遭敗創。如在雲霧之中。而事會偶然。將必有底定之日。卜該吾利今雖小勝。竊料終必破亡也。又云。吾觀卜該吾利計謀已入吾手。不難破滅耳。華威頓又通飭東部西邊鄉勇總將。迅援西那。謂拔根打碌架既失。則門戶洞開。各郡均有朝夕不保之勢。如不同心協力。致卜該吾利與敵威軍聯絡一氣。則我東北各邦皆判肝膽。而成萬里矣。又檄亞兒班利。所餘船隻悉發往溫梳。及非示幾兒聽用。若敵威軍動。卽分軍上防。乞臣旋西那。又馳書告急。言時值收穫。各鄉勇俱欲回家穫稻。現與諸將會商。已準放其半。而各鄉勇猶不肯留。恐不日將悉遁回矣。英兵近日繕修由示堅利示波路父。

至亞兒利班之道與我日逼情狀危迫專望速發援師華盛頓覆云昨已令咕勞化將軍率一軍前往策應本處各軍已盡數抽調無可再抽吾始計軍事不久必轉機東方各邦屢經鼓勵必能糾集忠義奮力一戰也已復馳報言吾又檄鈴健將軍俟病痊即率鄉勇赴援此人品節詳明勇敢生動臨事好謀在麻沙朱吉士素洽人望必能得力西那議屯一軍於堪賒架蘭即威華盛頓深然之以為可擊卜該吾利之背縱不能制其全師彼有所顧慮不敢脫然直前必留重兵在後吾察諸將中惟鈴健能當此任也時華盛頓因海疆吃緊又費經營先是七月二十三日聞敵威全軍揚帆出海不知所向突一少年投足林軍門稱前被俘至紐約敵威給以重賞令持密函送卜該吾利軍門因以逃出足林以原書封上果敵威手書約卜該吾利進乞臣自率大軍東攻波斯頓華盛頓閱畢知乃敵威誑我之計必不東攻故以此信落吾手是必欲向費爾治尼阿耳即發本部往打拿威派蘇利分示打令引軍由碧示幾兒出乞臣赴費爾治尼阿三十日華盛頓等至哥耶兒花利去費爾治尼阿三十里遺書結示云時結示在城中英軍所向未有的音其勢將趨打拿威吾意宜留一軍於哥耶兒花利及地連頓若果敵舟已至海灣我再整陣禦之亦未為晚吾決意不聽流言專候爾確報也三十一日聞昨有英兵船二百二十八艘至打拿威即飛調足林

已渡河之二營回援又馳令西那與東方諸將力拒下該吾利勿遠慮敵威華盛頓營於費爾治尼阿六里外之楂文當以護城次日又報敵船已駛出海若將東向八月一日華盛頓馳書足林謂際此倉皇令我捉摸不定若敵威果趨東方則其患較攻高山尚小乃檄蘇利分速率本部及近日調出碧示幾兒之兩營回乞臣添隸麾下又函令左治忌鈴頓迅督紐約鄉勇赴援足林時忌鈴頓方由國會舉為紐約巡撫兼統本省鄉兵是為國會舉巡撫之始又囑足林迅求巡撫墮能保兒速發鄉勇來援華盛頓囑結示偵敵船確耗時彼心猶冀得北部統領拭根打碌架人民因此敗歸各失其利牙譏其怯懦回邪與西那有郤者又欲借以傾陷之煽布謗議誘動人心並追咎加拿他之失皆西那調度失宜初時猶街談巷議已而紐倫敦議員直撫拾流言以控議會西那朋舊致書西那謂君仇威林彫牙七月二十九日至議會歷詆足下之失足下可赴議會訴明拭根打碌架失守情形以杜衆口吾料閣下精金不畏火焚不難昭雪也西那答云吾亦欲近將日布置情形請員查驗惟大敵在前軍情危急請俟軍事稍紓即行赴會質對與西那有怨者又恐其有功日在議會媒孽務欲奪其兵柄議會乃檄西那與失其利牙迅赴大營面陳北方敗狀以各鄉勇不願聽西那節度不得士心為詞令華盛頓揀員更代華盛頓辭以無人議會遂

命結示往代其任。軍需局員亦一律更換。向來局中要務悉由于捏底吉總軍需官參將左些文墮能保兒總其成。後添派采買收發官二員。由議會揀選。其下督運等官均由總辦官選任。今既更督辦之員。各屬吏亦大更改。華盛頓見軍務倥傯之際。熟手一律更張。承辦者初入局中。茫無端緒。緩急不能應機。供給不至。軍情大阻。深憤議會之非。華盛頓留檣文當數日。不知敵舟向東向南。時值炎天。征調煩促。士卒疲於奔命。欲暫休息。旋聞敵舟果將往東方。後再回打拿威。八月初十日。探卒又報。三日前見敵舟在西恩撲善水口。去打拿威山南。只十六防。華盛頓復停軍以俟。確音料敵威東奔西突。意在疲我軍士。使我防不勝防。俾沙軒利忌鈴頓紐約之軍得乘隙與卜該吾利聯絡。即馳書足林。令督率各軍嚴守碧示幾兒。并探確沙軒利忌鈴頓是否尚在紐約。兵數幾何。足林答言。吾故未睡熟。豈不知奮力防禦耶。沙軒利忌鈴頓不在紐約。更往何處耶。時英軍偵探至碧示幾兒。為足林捕獲。處以死刑。沙軒利忌鈴頓急派軍艦一艘。懸免戰旗。駛入乞臣。至罷鈴忌潘。投書足林。言咽蚊吧。吾麻乃英國將弁。不得以士卒論。足林復云。一千七百七十七年八月七日。大營示英將咽蚊吧。吾麻潛入我境。偵探機密。應照奸細例處決。來船著即出境。該員業已正法矣。挨示厘兒。足林押云云。時巡撫忌鈴頓保護高山猛。今利砲臺遵華盛頓令。

調鄉勇出援西那華盛頓聞卜該吾利所部多印度人亞軍甚畏之因派參將摩近率短鎗隊五百往助北軍言此軍久經揀練技藝純熟奮勇精悍必能使野人望而生畏也華盛頓在費爾治尼阿大營時至城內查閱附近砲臺基址又飭修築海防砲臺值侯爵那非爺新偕法國普魯士日耳曼官員同來年甫二十娶仕族女為室三年忽啟戎心不樂終老溫柔而欲立功戎馬間關涉險而來是日公譙識華盛頓於稠人廣坐中把臂訂交宴罷華盛頓携入別室見其慷慨奮發器宇異常大奇之遂邀至大營相與結納時尚未得英船確耗已而聞在車示碧示灣潘山下二百里外華盛頓意敲威若过程至車示碧必將進攻費爾治尼阿然而倏隱倏現踪跡詭密叵測已而察知敲威出海時以三桅船一艘運糧船數艘合成浮砲臺令至乞臣擾動高山行一禮拜始至打拿威見海口已塞復轉至車示碧海灣趨費爾治尼阿為風所阻故遲久如到也據那非爺傳云時華盛頓軍實有兵士一萬一千人惟裝束襤褸或至裸體上等者亦僅著棕色麻布獵衣然皆精壯可用打拿威北故毡里牙各鄉勇均雲集費爾治尼阿參將蒲碌打砲隊鄉勇亦屯打拿威車示打準去費爾治尼阿十二里華盛頓又檄溫利赴車示打招募鄉勇其部眾交其副暫領時費爾治尼阿巨室多懷二心華盛頓欲懾服之率全軍入城自父朗下上車示懾街令

士卒各執鎗矛排立。聞中軍鼓聲，依序齊進。紀律森嚴，華威頓乘馬當先。那非命傍騎護衛，諸將均依次隨行。分數隊雁行而進，先鋒執大斧前導，馬隊次之。砲隊又次之。一時鼓角喧闐，戈鋌耀日，號令秋清。但聞馬蹄得得之聲，魚貫而入城中。自爭戰以來，未習戎伍，茲見大將旗鼓，乃稍知畏懼。華威頓引軍穿城至威兒命頓，憑地利示他那河，與罷蘭地威吾滙流處而營。四面山巒旌旗一色，如星羅棋布焉。

卜該吾利進兵

阿厘示根利及邊鈴賴之戰

卜該吾利七月初奪示堅利示波路，久後留屯三禮拜，待輜重新兵齊集再進。乙臣河沿路津梁為西那先時毀塞。卜該吾利次第修葺搬移，塞路大木至七月下旬，乃抵烟利砲臺。西那聞英兵至，入棄烟活砲臺，退屯乞臣下數里之嘆拿砲臺。英軍所結印度人多下加拿他族黨為白人引誘，騷擾擄殺，官不能禁。近法人頭目鈴忌列失碌又新招曷打話族一隊，塗面抹額為野人粧飾，佩昔時得勝標，悍猛可畏。據卜該吾利言是乃加拿他素有聲望幹練長者，一千七百五十六年之戰曾出死力以助法人，欲借此輩以破西那，故不憚曲意聯絡。卜該吾利本性仁厚，向惡印度人殘暴，因聞此輩久隸節制之師，又有鈴忌利失碌制馭，故因而用之。不意此輩野性生成，終難馴制。先是吠禮沙部下有少年副將打鵲專示者，力扶王黨，家鄰烟活砲臺。

承平時與處女墨忌利相悅。此女與昆弟屬居烟活下數里。兩人業有婚期。為兵革所阻。打鵲專示既入王黨。即移厲加拿他。為英軍小校。而墨忌利兄弟則人民黨。歸向不同。然兩人則常通訊問也。打鵲專示隸吠禮沙營中。去故里甚近。墨忌利一日往烟活砲臺訪寡婦阿利兒。遇卜該吾利軍至。遠近驚逃。阿利兒亦移家逃徙。墨忌利兄弟時欲移居亞兒班利。遣人迎墨忌利。墨忌利勉從之。因附避亂者船同往。尚未登舟。遇卜該吾利部下印度人往切西那。隨處掠畧。闖入阿利兒屋。墨忌利被擄。大窘。行至大井旁。求擄者送至英營。許以厚謝。印度人圖利爭執不下。中一人使酒。即拔刀格殺墨忌利。持首回營獻馘。卜該吾利聞之大駭。勒令印度頭目交出殺人者。其人亦印度頭目。素以勇聞。黨羽甚盛。聞將治其罪。部眾大擾。失碌陰囑卜該吾利勿操之太急。恐生離畔。卜該吾利乃止。因下令以後印度人非有英國將弁帶領。不得擅入敵境。印度人聞此令憤甚。將各散去。卜該吾利大窘。若輩皆重價招集薪工甚昂。卜該吾利難於朝令暮改。印度人遂漸逃亡矣。墨忌利被殺。英軍事益掣肘。一時喧傳遠近。視印度人若仇。邊境之民向不生事。今亦戶置軍器。保護身家。怨英人以仁義之師。而聯結夷族。聞墨忌利之名。如聞警報。民六所在竄起。威門青山因此遂大集丁壯。編立成軍。卜該吾利進至烟活砲臺。西那又退入沙那。踏架示地兒華打。去亞兒班利三十里。都統鈴健奉華盛頓令赴威門之

溫車示打募鄉勇往援西那。各村落均携家避入下埠。鈴健兵到。人心乃定。鈴健到時。參將些文溫拿亦率鄉勇五百名至溫車示打。紐堪賒麻沙朱舌士各鄉勇亦麇集。卜該吾利久屯烟活砲臺。待加拿他馬匹大砲輜重。皆由拔根打碌架下船渡左治湖。又架橋至烟活中陸路甚多。牛馬不足運送。饋餉時乏。敵威又令分加拿他參將失溺架之軍。由阿他路柯示域高湖渡摩曲河。進圍示丹域示砲臺。令卜該吾利依初議速趨乞臣。為失溺架策應。而車馬稽遲。倉皇無計。忽聞乞臣東二十四里之邊鈴頓亞人有車馬局。為北軍轉輸總會。僅有鄉勇護守。極易攻劫。卜該吾利立派軍往掠。並搜括附近村落車馬。合失溺架軍圍西那砲臺。西那砲臺本法人舊砲臺基址。建於一千七百五十六年。初因英官名曰示丹域示當摩曲河右岸。管領濱海埔頭。直通安利打湖。柯示域高河及阿他路湖等處。為加拿他與摩曲往來鎖鑰。砲臺方形。原有保障四重。可禦開花砲。牆外掘長濠。架吊橋。鑿隧道。以藏兵。壁壘堅固。日久漸圯。今西那重加繕修。命以己名。令參將毡示活率紐約麻沙朱色士洲兵七百名駐守。失溺架率游兵及沙專專臣忠義兵英國希山加拿他印度人青山兵之緝兵共一千七百名攻之。印度人皆隸罷蘭部下。八月三日。失溺架至臺下。諭令出降。毡示活不應。失溺架遂築營壘。平道路。運大砲糧食。設邏卒。斷各處援路。長圍